

外科醫鏡治驗目錄

肋癰肋疽脅癰脅疽駐肋駐脅流注以上諸症治驗

一沈大年三十外肋癰

一船戶年三十左右肋癰

一婦人年四十外肝火氣滯

一船戶年六十外肋疽

一男子京都八年三十外肋疽

一男子年三十七八歲脅癰

一婦人年六十外脅癰

一董大史姪女駐脅流注

一男孩年十三四歲右脅血瘀成癰

腋癰腋疽竄腋流注腋癰疽流注治驗

一婦人年四十外腋癰

一婦人年五十外腋疽

一男孩年十四五歲穿腋流注

一小孩穿腋流注

一男子年三十外血瘀臍癰

一男子年三十外腋癰

一女孩肋骨流注



南京中醫藥大學圖書館版權所有

附骨疽附骨癰貼骨流注少腹癰腹皮疽以上諸症治驗

一俞姓附骨癰

一張兆熊外甥附骨疽

一王姓小孩股陽癰

一熊姓小孩年七八歲附骨癰

一曹姓小孩年十二三歲附骨癰

一男子年三十外股陽癰

一男子附骨疽

一男子痢疾後附骨癰

一男子右腿蹠跳附骨癰

一陸姓男子年三十外類附骨癰

一黃黃氏年三十外風濕化火腿癰

一彭姓婦大腿癰

一劉姓男子年十七八歲大腿癰

一男子年三十外箕門腿癰

一室女年十七歲少腹癰

一室女年十八九歲右腿股陰疽

一男子少腹疽

一陳姓小孩年十三四歲少腹癰

一曹姓年七十外腹皮疽

一靳姓年七十外腹皮癰



肋癰肋疽脅癰脅疽駐肋駐脅流注

按此三症若距腋間不遠均屬肝脾兩經應按腋間治法若再延下或近乳旁則屬肝胃兩經若在肋骨專屬肝經在季脅則屬肝腎兩經初起紅腫有頭十四日前成膿刺潰易成易斂在肋名肋癰在季脅名脅癰如初起粟米白泡成形渾似蜂房在肋名肋疽在脅名脅疽治法首宜清肝解鬱柴胡清肝湯梔子清肝湯均可選用外搽癰用升丹疽用疽藥潰後八珍湯量加柴胡丹皮以肝經鬱熱故也若初起漫腫無頭皮色不變但覺痠痛腰難轉側此名流注應按流注治法

治驗

一沈大年三十外無室人極高大壯實時在八月十二三來就予診見其右乳下肋骨旁有一頭似癰非癰初按之似已有膿及細細按摩毫無形迹瘡頭與好肉貼平稍停頭復露出再按亦如是如此三四次予實不解其故迨遠看肋下連及胸膈一帶隱隱微腫詢其病起自何時據述自三月間患春溫病發熱咳

嗽病勢頗重連更六七醫服藥百餘劑至今內病已愈惟胸膈時覺刺痛大都平昔擔輕負重努刀營傷所致予診脈已見滑數知膿已成惟瘡頭僅有錢天不知與隱瘡處可一氣否殊覺游移莫定外貼散膏內服

生黃芪 四錢

白芷 八分

川芎 一錢

桔梗 一錢

當歸 三錢

甘草 一錢

川貝母 三錢

赤芍 三錢

絲瓜絡 酒炒一段

自穿蠶繭一枚

此方囑其連服兩劑服後能來就診固好否則邀予去診亦可至十六日乃父來述服藥後疼痛較重餘無他恙堅請予同往一診是日適雨後道途泥濘小車難行祇得步往其家約距予寓六七里許予到時病人坐在院內村人知予到圍而觀者不下二三十人予揭衣看視其情形與前彷彿細看瘡頭比前稍大一二分許初按仍似有膿及細細按摩亦復與前無異予不問如何即用刀當頭刺進約五六分深出刀而視不但無膿並血亦無一滴于是衆口訾議予

雖聽不真切隱約間似謂予冒失胆大心粗予亦默然坐視毫無主意忽想出一法用臥龍丹嗅鼻取噴涕膿如噴壺遠射丈許約有一二碗衆始無一言且有在門外高聲呼佩服者外用升丹紙捻內服

川貝母 去心三錢

馬兜鈴 錢五

橘 紅七分

生苡仁 四錢

生黃芪 三錢

紫苑 錢五

茯神 三錢

甘草 一錢

枇杷葉兩片

此方連服三劑又邀予診從前隱瘡處泯然無迹瘡口膿水亦不多外仍上升丹捻內改方

川貝母 二錢

馬兜鈴 錢五

炒瓜蒌皮 錢五

潞黨參 三錢

生黃芪 三錢

茯神 三錢

紫苑 錢五

炒白朮 錢五

甘草 一錢

此方連服三劑瘡口膿水已淨摻白九一丹紙膏罩之內不服藥數日霍然按此症名肋癰又可名內癰然予用藥悉從肺胃兩經注意拋却肝經因當開



刀時尙有咳嗽故從此入手

再此病若稍胆小必不敢下手則膿必從內潰縱不死必成漏症

一船戶年三十左右左肋間結癰如手掌大平塌不高微紅疼痛手不可近起五
六日始就予治外貼散膏內服

柴胡一錢

赤小豆二錢

桃仁三錢

歸尾酒炒三錢

川芎一錢

橘絡七分

丹皮錢五

炒赤芍三錢

生苡仁三錢

酒炒絲瓜絡一段

此方連服三劑腫已鬆動紅色已退仍用此方兩劑越日又來診已平復如初
按此名肋癰乃濕瘀流注肝脾而成

一婦人年四十外兩肋間隱隱刺痛外面無形就予診治授以一方而去方用

柴胡一錢

川鬱金錢五

炒枳殼一錢

醋香附二錢

橘絡七分

杭白芍三錢

代赭石煨三錢

旋覆花布包三錢



玫瑰花 三朵

絲瓜絡 酒炒一段

猩絳屑 五分

此方連服兩劑無大效乃改方用柴胡清肝湯加減

柴胡 一錢

炒山梔 二錢

連翹 二錢

枯芩 二錢

杭白芍 三錢

防風 一錢

當歸 三錢

細生地 四錢

草節 一錢

天花粉 二錢

橘葉五片

此方服一劑已不疼痛又一劑而安

按此肝火氣滯非外症故特誌之以資攷核

一船戶年六十外秋間左肋骨初起粟粒白泡微癢抓破流水瘡口紫黯日漸延大形如蜂房就予診治瘡口已大如牛眼血水不斷疼痛夜甚發熱胃不思納外用疽藥摻之內服

柴胡 一錢

白芷 一錢

忍冬藤 三錢

角刺 錢五

赤芍 三錢

連翹 三錢

防風 錢五

炙乳沒 各五分

川芎 一錢

甘草 一錢

南花粉 三錢

黃芩 錢五

絲瓜絡 酒炒一段

夜交藤 五錢

此方連服兩劑身熱疼痛均減惟瘡口血水膿少紫色稍退外上疔藥內改方

生黃芪 三錢

忍冬藤 三錢

連翹 三錢

杭白芍 三錢

花粉 二錢

當歸 三錢

丹皮 二錢

炒白朮 錢五

甘草 一錢

夜交藤 五錢

此方連服兩劑瘡口均轉紅色膿水已少勢將收斂外用白九一丹摻之紙膏

罩貼內服

潞黨參 三錢

杭白芍 酒炒三錢

柴胡 七分

當歸 二錢

川芎 八分

紫丹參 三錢

細生地 炒四錢

炒白朮 錢五

茯神 三錢

炙草 一錢

夜交藤 三錢

絲瓜絡一段

此方又服三劑瘡口已斂如小錢大乃上八寶丹玉紅膏攤紙罩之不數日結

痂而愈 按此名肋疽



一男子順天人年三十外右肋骨初起粟粒白泡日漸延大就予診時瘡口已縱橫二寸許色紫黯頑腐堅如牛頸之皮不脫不發熱飲食如常外上升丹疽藥兩和摻之內服

角 刺三錢 柴胡一錢 生黃芪三錢 炒白朮二錢 赤芍三錢

白 芷八分 當歸三錢 川芎一錢 草節一錢 忍冬藤五錢

此方連服三劑頑肉漸覺活動紫色依然乃照此方又兩劑始用利剪將其頑肉剪下無膿惟流血水中有油花與油滴在水內無異外仍上升丹疽藥兩攪內改方

生黃芪三錢 當歸二錢 杭白芍三錢 白芷七分

柴胡一錢 花粉二錢 炒白朮二錢 茯神三錢

草節一錢 夜交藤五錢

此方連服三劑頑肉脫淨瘡口用白九一丹和疽藥摻之內照此方再服三劑

口已斂如銀幣之大仍上前藥內服

柴胡一錢

潞黨參三錢

炙黃芪二錢

歸身三錢

杭白芍三錢

茯神三錢

炒白朮錢五

炙草一錢

此方連服三劑瘡口已不甚大外上八寶丹玉紅膏攤紙貼之遂平復如初按此名肋疽病本弗輕幸年輕氣血壯實得以奏功若年邁或氣虧人難免不淹纏兩月矣

一男子年三十七八歲春間左肋骨近脅處結瘡始就徐雨田治不效繼邀蔣心一治多次成形由蔣刺潰月餘不斂乃託予房主人周某介紹邀予診治見其破處口如錢大紫黑色紫黑頗有穢味且所食菜屑從瘡口流出內膜已壞用油捻燃着向瘡口略照覺油捻爲氣吹動知不可治堅辭不敏病家再三懇求勉擬一方以盡人事外用玉紅膏攤紙罩之內服

柴胡五分

炙黃芪二錢

歸身酒炒三錢

枸杞果二錢

黨參 三錢 炒白朮 錢五 茯神 三錢 砂仁 拌炒大熟地 四錢

五味子 五分 炙甘草 七分 夜交藤 五錢 炙香紅棗 三枚

此方煎好送護膜散 一錢五分

連服兩劑據稱稍效復邀予治予決計不往嗣聞又邀蔣治延十數日而歿按此病較前沈大之症似尙少輕何沈大刺破不數日告痊而此病竟釀成不治伊誰之咎閱者自知

一婦人年六十外左肋近脅結瘰邀予診時已經多醫見其腫處大如覆碗瘡頭已浸黃水勢將自潰余知已傷內膜無可着手病家堅求開破予曰破固死不破亦死病勢到此盧扁無法強爲刺破外摻升丹紙膏罩之內服

黨參 四錢 金石斛 三錢 炙綿芪 二錢 炒白朮 三錢

炒白芍 三錢 歸身 酒炒三錢 柴胡 五分 茯神 三錢

炒杜仲 三錢 夜交藤 三錢 絲瓜絡 酒炒一段



此方連服三劑瘡口無甚變動病人自稱大見功效身體亦覺活動精神頗長予終不深信姑照前方法用之令再服數劑嗣又來邀仍按此方進退如是四次越十數日忽夜間杳無聲息次早兒婦呼之梳洗不應捫之已殭

按此病可名脅癰本屬無妨醫者不知早爲刺潰遂致不可收拾良可歎惜一董太史姪女與青鎮某姓腰後近脅處結腫如盆根盤極大邀予治時亦經多人治療見其從季脅旁潰破瘡有兩口膿水時多時少按之中空且擠膿時有白沫浸出汨汨有聲內膜已破形容雖不十分削瘦然痿黃不潤且艱於反側動轉據述膀間亦破兩處與腰間相繼起亦相繼自潰數月不痊外上升丹紙捻內服

黨參 四錢

炒白朮 二錢

雲茯神 三錢

炙黃芪 三錢

炒白芍 三錢

粉歸身 酒炒 三錢

炒杜仲 二錢

炙草 一錢

煨姜 兩片

紅棗 三枚

此方連服三劑又邀予診見病情毫無增減外仍用升丹紙捻內改方

黨參 四錢

炒杜仲 三錢

大生地 四錢 砂仁 拌炒

枸杞果 三錢

狗脊 錢五

炒白朮 二錢

炒歸身 三錢

茯神 三錢

炙草 一錢

桑枝 酒炒 五錢

絲瓜絡 酒炒 一段

另用護膜散加味

珍珠 一錢

白占 一錢 五分

白茂 一錢 五分

共爲細末分十口服

煨姜 兩片

炙香紅棗 三枚 引

此方連服三劑病情仍無增減而病家極言大見功效予終不釋然乃改進陽和湯加味

生麻黃 五分

潞黨參 三錢

炮姜 一錢

狗脊 三錢

大熟地 砂仁 拌炒 六錢

上肉桂 七分 煎汁 炒白芍 三錢

鹽水炒杜仲 三錢

炒白芥 二錢

鹿角膠 酒化 兌服 三錢

白歸身 酒炒 三錢

炙草 七分

夜交藤 三錢

絲瓜絡 一段

此方連服三劑略見鬆動反側亦覺輕便瘡口已無白沫仍服此方又三劑復邀予治見瘡口白沫仍流面色轉紅虛火上炎知不可救乃改擬方

帶心大麥冬 硃砂拌四錢

上肉桂五分煎汁炒杭白芍 三錢

丹皮 錢五

金釵石斛 三錢

製首烏 三錢

大生地 四錢 砂仁 拌炒

女貞子 二錢

製西洋參 錢五

炙草 一錢

梨皮 三錢

此方服後情形予遂不知究竟時值歲杪予亦無暇往視嗣聞于次年正月杪病逝世

按此病本係流注輕症乃醫者不辨膿之有無不敢刺破聽其自潰遂致不可收拾醫者膽小畏用刀針轉至殺人實堪髮指然予對於此症亦不為無過緣陽和湯方內有麻黃一味用在潰後膜穿之時未免大欠斟酌故並及之以誌予過

一男孩年十三四歲右脅忽結瘰癧紅高大就予治之見其身熱捫之灼手詢知

係挫跌適有木槓在地楞格是處纔三日外用玉真散黃酒燉熱調敷內服

炙甲片 二錢

炒延胡 二錢

歸尾 酒炒 四錢

劉寄奴 三錢

陳皮 一錢

連翹 三錢

桃仁泥 四錢

澤蘭葉 二錢

柴胡 錢五

赤芍 酒炒 三錢

胡桃兩枚連壳打

紹酒一斤煎藥

此方連服兩劑又就予治發熱已退再服兩劑而愈

按此病可名脅癰因楞格傷故按血瘀氣阻治極穩當效亦極速若少因循亦欲成膿膿成不刺聽其自潰在小孩或無性命之憂然終身之累恐亦不免

腋癰腋疽竄腋流注

按此三病俱生腋間初起形如黍米日漸延大潰破形似蜂房名腋疽初宜柴胡清肝湯潰後外搽疽藥若初起根盤堅結形如鴨卵微紅七日成形至十日可以刺破當初起時宜服山甲內消散不應勢欲成膿不必強消反傷胃氣此名腋癰若初起皮色不變形如鵝卵痠痛手難舉揚十四日成膿用火針刺潰潰後八珍



湯收功三症同係肝經血滯脾經氣凝癰疽兩症兼有肝火至若流注則挾痰挾濕初起宜山甲內消散加柴胡引經再佐燥濕化痰之品早治亦可消散遲則按步就班治之亦無大礙

治驗

一婦人年四十外腋間結瘰根盤大如覆碗堅硬異常疼痛夜甚手難舉揚微有寒熱脈見滑數勢將造膿外貼文八將散膏內進

赤芍 酒炒二錢

黃芪 三錢

角刺 二錢

當歸 三錢

白芷 八分

陳皮 七分

瓜蒌根 二錢

連翹 三錢

川芎 一錢

甘草 一錢

自穿蠶繭一枚

此方連服兩劑頭已高聳用火針刺之膿稠粘且多外用升丹捻內進

醋香附 二錢

角刺 錢五

瓜蒌根 二錢

酒炒杭白芍 三錢

澤蘭葉 二錢

陳皮 七分

全當歸 酒炒三錢

川芎 一錢

甘草八分

此方兩劑膿少腫消仍照前方去角刺加柴胡五分黃芪三錢又兩劑瘡口已流黃水再用升丹捻換之三日後不藥而愈

按此名腋癰本屬輕症七日成形十四日成膿二十八日落茄遲一日不能早一日不可

一婦人年五十外平日身體瘦削易生嗔怒忽腋間結腫有一白粟如豆大根盤並不甚大而四圍漫腫連及背膊胸膈一帶寒熱似瘡曾邀里中某醫治之服柴胡清肝湯兩劑不應乃邀予治予見其形容瘦削面上時紅時退此虛火上炎然就癰疽而論前醫服柴胡清肝湯藥症正對何無效驗反覆躊思苦無善法忽憶緩則治本急則治標其人虛火上炎乃陰虧水不涵木木火上升姑先捨外治內方用羚羊片桑葉鉤藤元參地骨皮肥知母黃芩生地麥冬丹皮兩劑服後寒熱已除面色不似前之時紅時白知虛火已退乃改進仙方活命飲